

Ո Ր Ո Շ ՈՒ Մ N 18

Վարչական տույժ նշանակելու մասին

«14» փետրվարի 2022թ

ք. Սիսիան

Ես՝ Հայաստանի Հանրապետության Պետական եկամուտների կոմիտեի Հարավային մաքսատուն-վարչության պետի ԺԹՊ Արտաշես Ղամբարյանս, քննելով անհատ ձեռնարկատեր Անդրանիկ Սամվելի Ղազարյանի (անձնագիր՝ AU0458715, Արարատի մարզ, գ.Ջրահովիտ, 10-րդ փողոց, տուն 16) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

Անհատ ձեռնարկատեր Անդրանիկ Ղազարյանի անվամբ 12.02.2022 թվականին լրացվել է թիվ 05100041/120222/0000178 ապրանքների հայտարարագրի, որով հայտարարագրվել են 8024 կգ բրուտո քաշով և 5100 կգ նետո քաշով ապրանքներ, 2-րդ ապրանքի՝ թարմ կանաչ սոխի տեղերի քանակը նշվել է՝ 10 արկղ, իսկ զուտ քաշը՝ 170 կգ, սակայն մաքսային զննության ընթացքում պարզվել է, որ փաստացի առկա է 48 արկղ, 940 կգ զուտ քաշով թարմ կանաչ սոխ, որը 770 կգ-ով ավելին է, քան հայտարարագրվածը: Վերոգրյալ ոչ ճշգրիտ տեղեկությունը ներկայացնելու արդյունքում մաքսային վճարների գծով առաջացել է 339281 ՀՀ դրամի չափով պակաս վճարված մաքսային վճարներ:

Նշված փաստի առթիվ Հայաստանի Հանրապետության Պետական եկամուտների կոմիտեի Հարավային մաքսատուն-վարչության Մեղրիի մաքսային կետ- բաժնի 2-րդ բաժանմունքի պետի Ժթպ-ի կողմից 12.02.2022 թվականին հարուցվել է մաքսային կանոնների խախտման վերաբերյալ վարույթ՝ ՀՀ մաքսային օրենսգրքի 203-րդ հոդվածի հատկանիշներով, այն է՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը:

ԵՏՄ հանձնաժողովի 20.05.2010 թվականի թիվ 257 որոշման /17.12.2019 թվականի խմբագրությամբ/ համաձայն:

Ապրանքների հայտարարագրի 6-րդ սյունակը պետք է պարունակի տեղեկատվություն հայտարարագրվող ապրանքների բեռնատեղիների ընդհանուր քանակի վերաբերյալ:

Ապրանքների հայտարարագրի 38-րդ սյունակը պետք է պարունակի տեղեկատվություն հայտարարագրվող ապրանքի «զուտ» զանգվածը կիլոգրամներով:

ՀՀ մաքսային օրենսգրքի 189-րդ հոդվածի համաձայն՝ մաքսային խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

Վարչական վարույթի նյութերի ուսումնասիրությունից պարզվում է, որ թիվ 05100041/120222/0000178 ապրանքների հայտարարագրում ներկայացվել է ոչ ճշգրիտ տեղեկություն, որն էլ հանգեցրել է ՀՀ մաքսային օրենսգրքի 203-րդ հոդվածի 2-րդ մասով սահմանված մաքսային կանոնների խախտման: Ընդ որում, կատարվածի արդյունքում առաջացել է մաքսային վճարների պակաս հաշվարկում 339281 ՀՀ դրամի չափով:

Ելնելով վերոգրյալից և ղեկավարվելով ՀՀ մաքսային օրենսգրքի 203-րդ, 206-րդ, 221-րդ հոդվածի 1-ին կետի ա) ենթակետով և ՀՀ վարչական իրավախախտումների վերաբերյալ օրենսգրքի 32-րդ ու 234-րդ հոդվածներով,

ՈՐՈՇԵՑԻ

1. Անդրանիկ Սամվելի Ղազարյանին ՀՀ մաքսային օրենսգրքի 203-րդ հոդվածի 2-րդ մասով սահմանված մաքսային կանոնների խախտում կատարելու համար ենթարկել վարչական պատասխանատվության՝ տուգանել **169650 ՀՀ դրամ /339281:2/:**

2. Որոշման մասին հայտնել Անդրանիկ Սամվելի Ղազարյանին:

3. ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն ՀՀ մաքսային օրենսգրքի 222-րդ հոդվածի 2-րդ մասի որոշումը կարող է բողոքարկվել վերադաս մաքսային մարմին (պաշտոնատար անձին) որոշումը կայացնելուց հետո՝ 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

Սույն որոշմամբ նշանակված տուգանքի վճարման հաշվեհամարն է. **900005024055' 169650 ՀՀ դրամ, նշել 30 կողք:**

ՀԱՐԱՎԱՅԻՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏԻ ԺԹՊ

ԱՐՏԱՇԵՍ ՂԱՄԲԱՐՅԱՆ